



DET KONGELEGE
ARBEIDS- OG INKLUDERINGSDEPARTEMENT

Statsråden

Arbeids- og sosialkomiteen i Stortinget
Stortinget
Postboks 1700 Sentrum
0026 OSLO

Dykkar ref

Vår ref

Dato

21/4570-

10. januar 2022

Representantforslag 48 S (2021–2022) frå stortingsrepresentantane Mímir Kristjánsson, Bjørnar Moxnes og Marie Sneve Martinussen om å forlange kriseordningane for arbeidsfolk

Eg viser til brev frå Stortinget sin arbeids- og sosialkomité frå 16.12.21. Komiteen ber meg vurdere representantforslag 48 S (2021–2022):

1. Stortinget ber regjeringen enten vedta forskrift om å umiddelbart forlange maksimal stønadperiode for mottakere av dagpenger inntil vidare eller snarest komme tilbake til Stortinget med forslag til lovendring om det samme.
2. Stortinget ber regjeringen enten vedta forskrift om å umiddelbart forlange endringer i dagpengeordningen som gjør at de som kvalifiserer til dagpenger, får en kompensasjonsgrad på 80 pst. på inntekt opp til 3 G inntil vidare, eller snarest komme tilbake til Stortinget med forslag til lovendring om det samme.
3. Stortinget ber regjeringen enten vedta forskrift om å umiddelbart forlange endringer i dagpengeordningen som halverer minstekravet til inntekt for å kvalifisere til dagpenger inntil vidare, eller snarest komme tilbake til Stortinget med forslag til lovendring om det samme.
4. Stortinget ber regjeringen fremme forslag om å fjerne de tre ventedagene før man får rett på dagpenger ved arbeidsledighet.
5. Stortinget ber regjeringen fremme forslag om å videreføre den midlertidige ordningen for selvstendig næringsdrivende og frilansere som mister inntekt på grunn av koronautbruddet.

Eg deler ynsket om å bevare dugnadsånda gjennom krisa, og at vi ikkje kan be dei som har mista jobben om å betale ein uforholdsmessig høg pris. Difor har regjeringa forlenga viktige tiltak i fleire omgangar allereie. Seinast 14.12.2021 varsla vi å forsterke og forlange fleire tiltak for å gi folk og verksemder økonomisk tryggleik gjennom perioden med

kontaktavgrensande råd og reglar (sjå: [Flere tiltak for økonomisk trygghet - regjeringen.no](https://www.regjeringen.no)), mellom anna:

- Forlengje kompensasjonsordninga for sjølvstendig næringsdrivande og frilansare ut februar 2022.
- Forlengje mellombelse ordningar for ledige og permitterte ut februar 2022, irekna dagpengeperioden og høgare dagpengesatsar.
- Redusere kravet til tidlegare inntekt som inngangsvilkår for dagpengar til 0,75 G siste 12 månader eller 2,25 G siste 36 månader ut februar 2022.
- Redusere inngangsvilkåret for dagpengar frå minst 50 pst. til minst 40 pst. redusert arbeidstid ut februar 2022.

Endringane som gjeld dagpengar er allereie vedtatt til og med 31. januar 2022, og blir foreslått vidareført førebels ut februar i Prop. 48 LS (2021–2022) *Endringer i midlertidig lov om kompensasjonstytelse for sjølvstendig næringsdrivande og frilansere som har mistet inntekt som følge av utbrudd av covid-19 og endringer i statsbudsjettet 2022 under Arbeids- og inkluderingsdepartementet (økonomiske tiltak i møte med pandemien: kompensasjonstytelse for sjølvstendig næringsdrivande og frilansere, permittering, dagpengar, sykepengar, omsorgspengar og arbeidsavklaringspengar).*

Vi vurderer heile tida om det trengs fleire tiltak og har tett kontakt med partane i arbeidslivet om det.

Dei tre ventedagane før ein får utbetalt dagpengar ved arbeidsløyse er ikkje varsla fjerna. Desse dagane kan sjåast som ein eigenandel for dagpengemottakarane. Samla meiner eg endringane vi nå har gjort gir ein rimeleg balanse mellom det offentlege, arbeidsgjevarar og arbeidstakarar i den pågåande situasjonen.

Tiltaka må og sjåast i samanheng med mellom anna forslaget frå regjeringa om å innføre ei ny lønnsstøtteordning for desember 2021 og januar 2022 for å legge til rette for at arbeidstakarar framleis kan vere i arbeid, til dømes drive kompetansebyggande aktivitet, sjølv om aktiviteten i verksemda elles er sterkt avgrensa av nasjonale smitteverntiltak.

Med helsing



Hadia Tajik